

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1168510 25 St
Sarajevo, 11.07.2025. godine**

Općinski sud u Sarajevu, i to stečajni sudija Nebojša Joksimović, rješavajući po prijedlogu za otvaranje stečajnog postupka nad privrednim subjektom Beaka d.o.o. Sarajevo, ul. Stupska bb, Ilidža, koga zastupa direktor Kasema Brzina, donio je dana 11.07.2025. godine, slijedeće:

R J E Š E N J E

Pokreće se prethodni postupak za utvrđivanje da li postoje uslovi za otvaranje stečajnog postupka nad privrednim subjektom Beaka d.o.o. Sarajevo, ul. Stupska bb, Ilidža.

Za privremenog stečajnog upravnika imenuje se Nijaz Ibrica iz Sarajeva.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoje razlozi i uslovi za otvaranje i vođenje stečajnog postupka,
- utvrditi imovinu stečajnog dužnika odnosno šta čini stečajnu masu,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i uraditi kontrolu poslovanja stečajnog dužnika,
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.III.

Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvijestiti o poduzetim radnjama i iznijeti svoje stručno mišljenje o zatečenom stanju.

Mjere pojedinačnog prinudnog izvršenja pokrenute protiv stečajnog dužnika privremeno se obustavljaju. Izlučna i razlučna prava povjerioci ne mogu ostvarivati u prethodnom postupku.

Pozivaju se povjerioci da predlože mjere osiguranja nad predmetima i imovinom stečajnog dužnika.

Ovo rješenje će biti istaknuto na oglasnoj tabli ovog suda sa danom donošenja.

Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj 65-01-0392-16.

O b r a z l o ž e n j e

Dana 14.05.2025. godine, ovome sudu podnijet je prijedlog za pokretanje stečajnog postupka nad imovinom društva Beaka d.o.o. Sarajevo, ul. Stupska bb, Ilidža.

U prijedlogu je navedeno da je društvo Beaka d.o.o. Sarajevo, zapalo u nepromostive teškoće u poslovanju od 2020. godine, a koje su kulminirale 2022. godine sa posebnom tendencijom pogoršanja u narednom periodu, odnosno 2023., 2024. i 2025. godine, te privredno društvo ne obavlja osnovnu djelatnost zbog koje je i osnovano od 01.01.2025. godine kada je u suštini prestalo poslovati zbog neostvarivanja poslovnih prihoda iz registrovane djelatnosti.

Dalje je navedeno da u oblasti proizvodnje vanjske ostale odjeće i srodnih djelatnosti zbog izrazito smanjenog obima poslovnih aktivnosti privredno društvo ne ostvaruje niti je ostvarivalo zadovoljavajući obim prodaje, a sarnim tim i ostvarenje poslovnih prihoda od registrovane djelatnosti od junura 2025. godine, te da privredno društvo nema izgleda za oporavak u poslovnom smislu u narednom periodu pogotovo što se trend ostvarenja gubitka konstantno povećava.

Također je istaknuto da je na kraju fiskalne 2018. godine ostvaren gubitak do visine kapitala od 1.000,00 KM i to gubitak od redovne djelatnosti (poslovnih aktivnosti), a da akumulirani gubitak sa 30.04.2025. godine iznosi 77.502,00 KM jer je osnivački kapital privrednog društva 1.000,00 KM, tako da gubitak iskazan sa 31.12.2018. godinom nije mogao biti u cjelosti pokriven upisanim i uplaćenim kapitalom jer je uplaćeni i upisani kapital iskorišten za pokriće dijela nepokrivenog gubitka do 31.12.2018. godine, te da je iz strukture gubitka jasno vidljivo da privredno društvo nerentabilno posluje i da nije u mogućnosti pokriti ni redovne rashode kao ni poslovne rashode oličene u rashodima redovnog poslovanja privrednog društva.

U prijedlogu se ističe da društvo nije u mogućnosti izmirivati nagomilane, prispjele i od povjerilaca potraživne obaveze plaćanja od 01.04.2025. godine jer od tada imaju dospjela potraživanja od strane povjerilaca, a račun društva je blokiran iz razloga postojanja rješenja o povremenoj prinudnoj naplati.

Za obaveze u iznosu od 77.502,00KM (po posljednjem bilansu stanja) koje nisu u stanju platiti, navedeno je da se odnose se na prispjele i neplaćene poreze i ostale obaveze prema dobavljačima, ali da sve ukazuje na to da će nakon prijave potraživanja obaveze biti i znatno veće, zbog čega predlagatelj smatra da je iz naprijed navedenog jasno vidljivo da su ispunjeni uslovi za otvaranje stečajnog postupka jer postoje stečajni razlozi jer stečajni dužnik nema imovine koja spada u stečajnu masu koja bi se mogla unovčiti, a unovčena sredstva bi se upotrijebila za pokriće troškova stečajnog postupka.

Na ročištu održanom dana 23.06.2025. godine radi saslušanja stečajnog dužnika, predlagач i zakonski zastupnik stečajnog dužnika je uglavnom ponovila ono što je ranije navedeno u prijedlogu za pokretanje stečajnog postupka.

Našavši da se u konkretnom slučaju radi o dopuštenom prijedlogu, a radi utvrđenja da li postoji stečajni razlog i da li postoje svi uslovi za otvaranje stečajnog postupka, te imajući u vidu činjenicu da je stečajni dužnik uplatio predujam za pokriće troškova prethodnog postupka, sud je donio odluku kao u izreci, primjenom člana 61. Zakona o stečaju.

STEČAJNI SUDIJA

Nebojša Joksimović

POUKA: Protiv ovog rješenja žalba nije dozvoljena.